

無綫戲劇總監劉家豪榮休之作《逆天奇案2》播出短短數天，已成為網民熱話，網民更列出該劇3大看點，大讚《逆天2》再度喚起觀眾對港產警匪劇的興趣。首播當晚的After Party，陳展鵬與林夏薇發起集氣，率領台前幕後要求家豪哥繼續開拍《逆天3》。



■林夏薇希望劉家豪小休後歸隊拍劇。

率台前幕後集氣

陳展鵬 林夏薇 求劉家豪拍《逆天3》

台前幕後要求家豪哥繼續開拍《逆天3》。

不少網民大讚《逆天奇案2》

是近期難得的佳作，更列出3大看點，首先是警匪槍戰場面有電影感，其次是節奏明快緊張之餘又有輕鬆一面，第三個看點是客串演出都是猛人，首集有孫耀威、麥玲玲讓人驚喜，緊接出場客串的還有「人氣王」炎明熹(Gigi)、尹光、姜大衛、張雷、梁小冰、郭柏妍、鄒凱光、馬國明等，網民指只有家豪哥的號召力才做得到。

首播當晚，一眾台前幕後相約睇電視，現場氣氛熾熱，主角陳展鵬與林夏薇發起集氣，要求家豪哥繼續開拍《逆天奇案3》，展鵬說：「我哋相信好嘅作品會延續落去，會有《逆天奇案3》出現，但又點可以冇咗靈魂人物家豪哥？所以我哋一齊集氣，希望家豪哥小休一陣繼續拍劇。」家豪哥笑言：「我做咗半世紀都唔畀我休息？我好想同孖A(兩個孫)、小青(太太梅小青)去旅行呀。」大家起哄要小青姐批准，她說：「大家嘅熱情令我好感動，但想趁孖A入小學前陪伴多啲同出外旅遊！」大家齊聲說：「玩吓休息吓就歸隊，家豪哥我哋等你呀！」

炎明熹自爆學詠春

另外，《逆天2》前晚一集最大睇頭絕對是Gigi登場！劇情講述她拍攝音樂特輯時，警方收到可靠消息指有黑幫會到場搞事，飾演O記探員的陳展鵬和黃智賢奉命到場保護。拍攝期間，Gigi的保母車失控衝向人群，場面混亂，幸好智勇雙全的陳展鵬開車截停保母車，才沒造成重大傷亡！據知，Gigi拍攝逃走鏡頭時堅持加邊走邊回望的動作，以確認粉絲安危，皆因她覺得如果現實中發生同樣情況，不希望丟下受傷的Fans不顧而去，足見她非常愛錫粉絲。Gigi受訪時被問有否興趣拍動作戲？她興奮說：「想呀！最近學咗詠春，但唔係學咗好多，希望有呢個機會。」

■炎明熹有興趣拍動作戲。

■陳展鵬與林夏薇很希望拍《逆天3》。



林峯由頭打到尾 胡子彤遭踢爆面

由古天樂、林峯、伍允龍與胡子彤等主演的《九龍城寨之圍城》，定於5月1日上映。林峯透露在戲中由頭打到尾，開拍前訓練了一個月：「我拍咗廿幾年戲，但今次先真正接觸對打戲，動作指導Kenji要求好高，一個月訓練係基本拳術，我以前冇接觸過拳擊，完全唔知出拳係咁，以前係花拳繡腿！」

至於胡子彤拍Ending戲時，被伍允龍踢爆面頰受傷，胡子彤說：「拍動作片一定有危險，受傷冇人想，咁啱啱一腳踢高咗，唔好彩發生喺我身上，好彩係睇得到表面傷痕嘅得我一個。大家都有大大小小嘅傷，好似林峯傷腰同腳。」他坦言縫了15針，由於當時拍ending戲，擔心影響進度，故縫針後即返回片場，跟化妝師商量如何處理化妝，以便繼續拍攝。



■林峯(右)在新片打戲連場。

■胡子彤坦言「拳腳無眼」，沒人想有意外。

年食400隻大閘蟹 細細粒有陰影

由麥美恩(Mayanne)主持的清談節目《Mayanne小喇叭》，昨晚一集主題是「直播帶貨搵真銀？」，邀得陳嘉佳(細細粒)、梁競徽等做嘉賓。近年做帶貨做到有聲有色的細細粒坦言，最初做直播反應冷淡，連續3個月每場只有約60名支持者。問到有何辛酸史？以吃播聞名的細細粒坦言為了跑生意額，平均每年喪食至少400隻大閘蟹，食到有陰影。她又自爆試過在一個極惡劣環境下做直播：



■細細粒(左)跟麥美恩分享帶貨苦與樂。

「個棚裏面平均45度，我喺裏面嘔咗8個鐘！因為嗰度農村嚟，供電唔夠，連風扇都唔吹得。」

陳美齡回港閉關寫育兒書

陳美齡近日回港專心撰寫育兒書，內容主要講照顧1歲至3歲的小朋友：「呢個係好重要嘅時期，要寫得好細心，要集中所有時間去寫好新書，好期待啲有其他工作嘅情況去寫。4月底應該完成，7月嘅書展出版。」她自爆在家寫作時碰巧冷氣機壞了，但她不覺得熱，因用了歌迷送的掛頸小風扇，感覺很涼爽。陳美齡又稱雖然忙於寫作，但很珍惜與家人相處的時光，不時跟兒子和小孫女視像通話：「其他事情可以妥協，我太愛孩子喇！」



■陳美齡的新書將於書展推出。